

吾

學

編

序畧

古之作者必雄傑不羈之才習中本有全書而弗得試乃著述以自見丘明司馬皆才無文武人像也彼其所蘊如日月有明雲寧終掩江河有性土終湮不宣於此則呈於彼不霖雨乎當時即山斗乎來世天之所賦非偶然豈但泯焉耳已先君幼學卽志四方無不讀所讀必可裨用少壯入仕益諳我典常質彼文憲耳目見聞咸類紀之博古則約其精徵今則核其備人文淵藪國是著龜

辛  
公  
麥  
心  
賈  
叩  
之  
驚  
其  
多  
聞  
何  
使  
使  
有  
條

也稿未竟嘉靖丙辰太宰古冲李公爲趙訐奏論  
死翁震懼曰古以言殺身况成書乎悉畀火孤固  
請秘之弗得遂竊小櫝藏之述古獨餘古言蓋千  
百之一今書存失不等逮歲壬戌孤請告歸始以  
殘帙白翁成志喟然嘆曰嗟夫此稿尚有存乎予  
行歲勲業盡於此而所存僅此乎遂略以今書倫  
次補輯弟準天資絕人先君口相証授準多代筆  
又三年始付梓梓方半翁遽長逝嗚呼痛何如哉  
胡天不使此書盡試諸用又不使翁一覽全刻而  
徒留此空言欲以何明也翁蘊全才而不大任亦

云爲兆震厲睽孤憂國衛身艱險歷備勁節雖完  
精力竭矣玄珠寂寞白壁幽淪光在山川天真寧  
遇是廼旁觀宇內違駕初服惜繁華之易零念弘  
圖於不朽盤桓憤激委約飛文竊職掌於史官謹  
權衡於獨斷危詞隱義遠略壯猷觀是書可知是  
人契是心殆有周駕八荒彌綸千古之致豈徒一  
世士區區文藝名也噫邇此生民以來凡彼王質  
金相英髦秀達道亞生知時不我與湮滅無聞安  
可勝悼夫太上以德鮮矣流形大塊而一無可傳  
非夫也可傳在我而其存與熄則命也黃梁得喪

青史是非聖人復起賢愚有定豈其幸與不幸果  
可誰欺與故曰其位可卑其身可死其言立遂與  
天地相終始貧富貴賤壽夭同之然蔡柳奇葩名  
常蕤實穢雲高譽知不逮言亦或文以人傳人由  
文顯無茲無愧允爾才難若先君所不能全殆惟  
壽耳使無是書果將同凋草木矣乎抑嘗聞作易  
之有憂患王通以爲畏天憫人思及時而動深知  
易矣動而不時則冒耻於行露比而入於蹇時而  
弗動則泥類於匏瓜節而至於屯潛躍有其用舍  
惟時庶亡悔吝而周公孔子之教此其最要先君

率爾成書豈希贊易之心乎終焉憂患未釋而腹  
書以沒丘園信乎命實爲之雖聖哲無如之何宜  
昔人之染翰慷慨屢伸而不能已者也去我英雄  
遺編故屋承顏寤寐猶恍傳心音容杳冥誰能不  
隱雖違伯樂會有子期撫卷徘徊風雲蕭瑟向之  
七畧成於歆先君精忠邃學無愧於向惜子非劉  
歆殘缺莫補條具如左參詳潤色尚俟後之君子  
云

維皇開泰新制正經親賢和衆萬國以寧聖子神  
孫與治同興昭哉祖武萬世允繩記大政 第一

江左肇基非國上游龍飛北固鶴返丹丘漢文天  
授少帝何尤慨彼忝離爰諱乾侯記遜國 第二  
堯稱既睦周作方來富之不費貴之無猜勢以時  
異恩以禮裁均奠磐石藩翰九垓表同姓諸王

第三

末清九有實賴虎臣報功崇德分恭圖麟德薄位  
尊或覆厥身韓彭絳灌全毀由人表異姓王侯

第四

三公論道致主調元秩有等殺職共斯言爰立無  
方考慎台垣一人進退治忽攸源表閣臣 第五

巍乎冢宰百官之表責在進賢決彼群小告自乃  
邑休休皎皎吏治澄清兆民斯擾表典詮 第六  
無競維人萬方之望克展其猷知恤在上猗我多  
賢爲周孚倡爰條臯董以俟魏相記名臣 第七  
成仁取義人臣之信寧爲桀犬不事堯舜心協三  
仁黨凌八俊立懦廉頑名教丕振記遜國臣 第  
八

星象考驗代有程章玄機杳默固矣梓萇無災可  
懼有災亦昌誠身省躬實應之常述天文 第九  
天子無外莫不尊親廣土非寶寶在裕民聚人以



財守財以人得彼猛士慎固咸賓述地理 第十  
舜嚴降格說戒弗欽神無私享明德惟馨敦此仁  
孝率義推心必躬必敬昭格咸臨述三禮 第十

一  
官代天工惟民之極睿制曲防綱維以則擇人乃  
昌擇官斯忒敬事君子慎思厥職述百官 第十

二  
要荒服夏番鎮承周炎風朔雪孰匪受球摠攬乾  
綱余宋長猷王者不治亦曰懷柔考四夷 第十

三

北門勁寇郊畿接壤人由我益地由我廣茲備將來  
盍懲既往鎖鑰得司不兵而攘考北虜 第十  
四

實錄果可傳信乎前賢論喻詳矣野史散雜無  
統又未足盡馮也故必凌雲御日之才博洽淹  
貫分明經緯恍兮身處當時目見往事非若班  
氏以後轉相蹈襲乃能會爲全史昭不朽之列  
垂不刊之典先君嘗志於此惜乎始懲李禍終  
促遐齡偉作弗全英像留恨今梓惟大政記放  
朱子綱目及本紀然綱且未敢備况目乎非是

無以首卷通達者當意會遜國特述故事以續  
編年王侯放十表翁序諱之閣臣典銓感時作  
也爲臣不易况心腹股肱哉記名臣放列傳也  
論旨深遠遷史下無及者天下何時無才能盡  
其用有幾然亦自不可泯觀遜國諸臣尤見盛  
世人性之善超越千古三禮天官皆諷諫也禮  
書所載禮之爲用大矣寧獨祀事舉時要耳天  
官亦然是以全樂公之䟽也述百官以明職掌  
今有官君子皆能不曠此乎庶政和而萬國寧  
矣地里夷官比虜先君初官職方最所究心非

昔志興地比也歌六月詩讀李翱文始知公忠  
愛無窮爽然有封狼居胥意是凡十有四篇其  
事皆有司存翁非立本朝贊國均而陳此經世  
之書如出位之誚何雖然以此罪翁亦或以此  
知翁百世之下應有心契於形迹之外而諒此  
勤勤之衷者固非翁及諸孤所敢豫計也此即  
所存今書之半翁各自爲小序其女后樂律儀  
制兵略茶馬鹽糧運法水利藝文隱逸酷伎方  
技等傳皆廢丙辰翁且謂應有紀之勿復更補  
然上下二百年間舊章成憲大要畢具忠臣持

以事君志士懷以籌務咸此依循免面墻矣嗚呼若斯之人而天奪之速豈獨孤之失所怙哉外今言徵吾等錄各自爲集不復附此

不肖孤鄭履淳泣血稽顙謹識

鄭端簡公吾學編總目

大政記十卷

遜國記一卷

同姓諸王表二卷傳三卷

附異姓三王  
孔氏世家

異姓諸侯表一卷傳二卷

直文淵閣諸臣表一卷

兩京典詮表一卷

名臣記三十卷

遜國臣記八卷

天文述一卷

地理述二卷

三禮述二卷

百官述二卷

四夷考二卷

北虜考一卷

共六十九卷

先君非功名士也富貴云乎哉有嘉言善行而不  
得播聞人子之罪也况勤著作以經世務裨

聖化者而翁大漸又惓惓顧托言猶在耳忍不終  
其志廣其傳翁方見梓之半而孤忽罹大戚匍匐

顧闕

聖恩優渥褒恤殊章孤籍前休復蒙錄廢榮哀旣  
備功賞世延實賴

天上臯夔情見死生誼公衡鑒

恩雖倖致望慙羣心感荷徒殷不知所以爲報也  
隆慶紀元五月甲戌抵舍仍侍儿筵曠違條已更  
歲依依當時瞻戀而音容杳然一檢遺編惡緒紛  
雜嗚呼翁何如人也乃遽至此哉翁身可死而有  
不可朽者惟此書耳予兄謂翁之書未盡其學翁



之用未盡其書旨深遠矣翁自丙辰每得一稿卽呼兄弟示之又必曰準校梓勿失也孤故獨藏所刻吾學編六十九卷徵吾錄二卷文集年譜未竟共板四千有奇布帛之文精神之聚衡門泌水之經綸固非特湘臣洛士之詞賦已也凡翁子孫末宜世守翁嘗命既梓但刷千冊卽毀板或畀書肆予終身清介遺子孫安毋以書勞後人嗟乎沒身猶計燕翼而爲翁子者僅此遺書弗能守耶達尊親友諒此他日借板不能奉命幸勿我罪翁著述之富冠當時可梓豈獨止此予兄諸序詳之

其今言古言及舉子諸書數十百卷已有傳者勿  
識也

不肖孤鄭履準泣血稽顙謹書

皇明大政記序

大政記者記政之大者也政必端大本審大機建  
大法係此小事必書否雖大勿錄也恭惟我朝  
文謨武烈丕顯丕承

聖子神孫善繼善述巍巍二帝之治郁郁三代之  
文倬彼典常允宜師守顧洪猷浩蕩玉籍淵珍莫  
罄名言孰諳成憲予翁淹貫通達推絕一時雖職  
非史官而光昭

先皇令德以垂多士儀刑與人為善之心不敢諱  
况切雲雷霖雨之志而徒老投閒今衰已甚爰放

編年陳茲大典庶使後之佐孝宣者有所依繩而  
頌慶曆者咸此考據且知翁精誠之運周旋

二祖

列宗左右也

嘉靖丙寅三月朔

賜進士第觀吏部政

臣

鄭履淳拜手稽首謹識

皇明大政記第一卷

卷一

臣海鹽鄭曉

戊辰大明太祖高皇帝洪武元年春正月乙亥即皇  
帝位○追尊四世考妣爲皇帝皇后立妃馬氏爲  
皇后世子標皇太子○戊寅居新宮○征南大將  
軍湯和克延平執陳友定○宣國公李善長信國  
公徐達爲左右丞相章溢劉基御史中丞○省府  
請皇太子爲中書令不許令廷臣勲德老成者兼  
東宮官○建南北郊太社稷○是月天下官來朝  
○二月湯和提督海運○征南將軍廖永忠副將

軍朱亮祖平福建進取廣東○以太牢祀先師孔子于國學○定宗廟時享禮○禁胡服胡語胡姓○定賦法役法○三月彗星見昴○征虜大將軍徐達取汴梁河南○夏四月將軍鄧愈取南陽諸郡○永忠師至東莞元廣東守臣何真降○汪廣洋陶安爲山東江西叅政○改太史院爲司天監○五月庚寅帝至汴梁○徵天下賢才爲守令○六月達朝行在令率諸將取元都○秋七月永忠取廣西○賑恤中原○帝還京右副將軍馮勝守汴梁○閏七月達會兵于臨清進克通州乙丑元

主走上都○八月詔以金陵汴梁爲南北京○庚午達入大都元亡○己卯大赦○帝幸北京○設六部官滕毅楊士義錢用壬陳寬周禎單安仁爲尚書○御史中丞劉基致仕○放元官人○九月江西參政陶安卒○遣儒臣詹同等訪求賢哲○冬十月帝還南京○征南師還○置京畿漕運司龔魯薛祥爲漕運使○十一月孔希學襲封衍聖公○遣儒臣魏觀等訪求賢材○十二月建克太

原平陽

配洪武二年春正月免山東山西北平河南畿

田租○詔諭四夷君長○倭寇山東並海郡縣○  
二月耕籍田○修元史朱漁爲翰林學士王禕待  
制○脩治皇陵○達克河中進取陝西○三月達  
兵至鳳翔李思齊奔臨洮○夏四月思齊降○倭  
寇南畿並海郡縣○五月甲午朔日食○達出蕭  
關下涼涇延鄜張良臣以慶陽降尋叛○御史中  
丞兼太子贊善大夫譚卒○六月常遇春克大寧  
開平○秋七月征虜副將軍平章軍國重事太子  
少保鄂國公常遇春卒李文忠領其兵進攻大同  
克之○八月達克慶陽斬良臣陝西悉平○元史



成○九月以臨濠爲中都○建功臣廟○冬十月  
郡縣立學○遣使貽書元主○十一月乙巳日南  
至祀園丘奉仁祖配○十二月王保保襲蘭鞏守  
將于光死之○是年定內侍諸司官○設王相府  
○封陳日烓爲安南國王王顓高麗國王

庚洪武三年春正月征虜大將軍徐達左右副將  
軍李文忠馮勝左右副將軍鄧愈湯和分道率  
師討王保保○二月大同守將金朝興取東勝○  
追封郭子興滁陽王○文忠取興和○三月免南  
畿山東河南北平浙東田租達兵至定西保保退

屯車道峴○夏四月封建諸王○王保保逆戰我  
兵敗績○復戰於定西保保敗走和林○元君妥  
懽睦爾殂于應昌其子愛猷識理達臘嗣立○五  
月開科取士○文忠克應昌獲買的里八剌愛猷  
識理達臘址走○達取漢沔降興元○大旱上雩  
大雨○蜀寇興元都督孫興祖戰歿○六月倭寇  
登萊轉掠浙閩並海諸郡萊州府同知趙秩使日  
本○定太學生資格○秋七月陶凱爲禮部尚書  
○劉基爲弘文館學士○楊憲汪廣洋爲中書左  
右承尋殺憲○八月募民輸粟中鹽○監察御史

張敬之使諭渤泥國○九月改司天監爲欽天監  
○冬十月征南將軍周德興討慈利蠻○貽書元  
嗣君受猷識理達臘○十一月文忠班師還京○  
謚故元君爲順帝封買的里八剌爲崇禮侯○大  
封開國功臣進封善長達韓魏國公領太師太傅  
封李文忠曹國公鄧愈衛國公馮勝宋國公湯和  
中山侯汪廣洋忠勤伯劉基誠意伯餘封贈官賞  
有差○十二月大明志成○立鹽法

辛亥  
洪武四年春正月太師韓國公左丞相李善長  
致仕汪廣洋爲右丞相胡惟庸右丞○誠意伯劉

基致仕○征西將軍中山侯湯和左右副將軍江  
夏侯周德興德慶侯廖永忠征虜前將軍潁川侯  
傅友德左副將軍濟寧侯顧時帥師分道伐蜀○  
免田租○二月帝如中都尋還京○三月賜吳伯  
宗等進士及第出身有差○改築園丘方澤○閏  
三月和次夔州○廢靖江王守謙爲庶人○夏四  
月友德克階州○和次歸州友德克文州○徵山  
林隱士○五月免浙江江西田租○六月友德拔  
漢州永忠克夔州進至重慶明昇降○虜納哈出  
侵遼東○倭寇膠州○秋七月馬雲葉旺爲定遼

指揮使鎮守遼東○友德克成都川蜀悉平○詹  
同爲吏部尚書兼翰林院學士承旨○今奏災異  
○八月封明昇歸義侯○九月庚戌朔日食○禁  
征海外諸夷○冬十月征西諸將班師還京○十  
一月江西叅政陶安卒○十二月開茶市○是年  
徙歸德侯陳理歸義侯明昇於高麗○日本良德  
遣人入貢

壬子洪武五年春正月翰林待制王禕詔諭雲南○  
征南將軍衛國公愈副將軍江夏侯德興江陰侯  
良帥師討廣西蠻平之○征虜大將軍魏國公達

征西將軍宋國公勝征虜前將軍曹國公文忠帥  
師分道伐虜勝取甘肅文忠擣應昌宣寧侯曹良  
臣戰沒○二月都督藍玉擊敗虜於野馬川○三  
月玉兵擊敗王保保於土刺河○夏四月鄧愈兵  
至漕平散毛諸蠻○五月達兵逾嶺遇虜戰敗績  
○倭寇浙東西並海郡縣○六月賑山東饑民○  
勝兵敗虜於底沙文忠兵敗虜於阿魯渾河○免  
水旱蝗郡縣田租○秋七月湯和兵至斷頭山遇  
虜戰敗績○定宦官禁令○八月倭寇福建○遣  
儒臣詹同等訪求賢哲○革寧夏府○九月德興

平鳳泗諸蠻○安南陳叔明弑其主日煜而自立  
○冬十月北征諸將班師還京○十一月征南諸  
將班師還京○虜納哈出寇遼東○十二月宋濂  
爲太子贊善大夫○令省府臺置銅鑼簿錄時政  
○縱內府禽獸○遣使貽書元嗣君○是年定掖  
庭局司女官

癸洪武六年春正月謫汪廣洋爲廣東叅政○二  
月罷科舉舉賢良○令有司上山川險易圖○三  
月征虜大將軍達左右副將軍文忠勝左右副副  
將軍愈和統兵分道徭虜○都督於顯總兵出海

防倭○夏四贈謚開國功臣○詔求賢才○五月  
虜寇武朔達遣兵擊走之○六月免河北旱蝗田  
租○秋七月劉惟謙爲刑部尚書○胡惟庸爲右  
丞相陳寧御史大夫詹同兼翰林學士承旨朱濂  
兼翰林侍讀學士○達遣列侯諸將分統步騎兵  
擒討殘胡○倭寇登萊○八月詔祀三皇○建歷  
代帝王廟○九月設六科給事中○冬十月大明  
律成○封西番朵甘烏思藏諸酋爲王師官長○  
十一月達兵破虜於大同○閏十一月定糾劾內  
官法○十二月沒開封漕河○雲南人殺我詔諭



使王偉

甲寅洪武七年春正月文忠敗虜於白登○二月丁

酉朔日食○丁未祀先師○三月詹同解部事呂

熙爲吏部尚書○韓漕粟于陝西○夏四月都督

藍玉敗虜於興和○五月大雪○六月倭寇膠海

○秋七月文忠破虜於大石崖○八月文忠敗虜

於豐州○靖海侯吳禎總兵出海捕倭○九月遣

崇禮侯買的里八剌北還○復設市舶司○冬十

月己未皇長孫璉薨○徙江南民實中都○十

一月封卜煙帖木兒爲安定王○十二月鑿石灰

山河○日本良懷及其陪臣各遣人入貢却之  
乙卯洪武八年春正月梁敏爲工部侍郎○二月○  
三月詔興學勸農○立鈔法錢法○夏四月幸中  
都尋還京○致仕贊善大夫護軍誠意伯劉基卒  
○五月市馬西番○六月○秋七月己未朔日食  
○免江南湖北旱租○八月京師大旱○開登萊  
河○九月湖廣叅政吳雲使雲南○虜寇大同鴈  
門○詔舉富民素行端潔達時務者○冬十月皇  
太子及秦晉楚靖江王講武中都○十一月增六  
部官○十二月陝州人獻天書斬之○虜納哈出

寇遼東守將馬雲葉旺擊敗之以爲都督僉事仍  
守遼東○是年設都指揮使司○召致仕禮部尚  
書陶凱爲國子祭酒

兩  
洪武九年春正月定宗王公主歲祿○二月和  
友德屯延安○三月免南畿山西陝西河南福建  
江西北平湖廣田租○夏四月庚戌雨○五月雨  
○六月詔改行中書省爲承宣布政司○宋濂爲  
翰林學士承旨○秋七月癸丑朔日食蘇松嘉湖  
大水免其田租○八月吳印爲山東左布政使○  
九月更定王府官制○閏九月七耀素度詔求直

言○冬十月更作太廟○定太廟侑事功臣○十一月吐蕃寇西塞○十二月賑江南湖北○置寧夏諸衛

丁巳洪武十年春正月學士承旨宋濂致仕○二月白虹貫日○三月○夏四月征西將軍鄧愈副將軍沐英率師討吐蕃破之○五月韓國公善長曹國公文忠總中書省都督府御史臺同議軍國重事○六月政事啓皇太子處分奏聞○秋七月監察御史巡按州縣○設通政司曾秉正爲通政使○八月庚戌改建園丘于南郊○九月江東浙西

大水免其田租○冬十月封沐英西平侯○併省  
州縣○十一月己卯皇孫允炆生○丁亥合祀天  
地于奉天殿○征西將軍叅軍國事衛國公鄧愈  
卒○都督濮真征高嚴被執不屈死之○十二月乙  
巳朔日食○松番蠻入寇平羌將軍御史大夫丁  
玉討平之○真人張正常卒于宇初嗣○是年汪  
廣洋復爲右丞相○復守謙靖江王徙雲南尋安  
置鳳陽

戊午  
洪武十一年春正月改封吳王爲周王罷杭州  
護衛○進封湯和信國公○二月祀太社太稷奉

仁祖配○三月禁奏事關白中書省○夏四月朱  
夏炎爲禮部尚書○元嗣君愛猷失理達臘殂子  
脫古思帖木兒立○五月選武臣子讀書國子監  
○六月遣使祭故元嗣君○秋七月○八月免南  
畿河南陝西廣東湖廣田租○蘇松楊台海盜○  
九月有星孛於天弁○贈劉繼祖義惠侯  
冬十月甲子大祀殿成○十一月吐蕃入寇征西  
將軍英討平之○十二月乙巳朔日食○是年皇  
太子妃常氏卒

己洪武十二年春正月己卯合祀天地于南郊○

二月曹國公文忠督理隴西西寧軍務○信國公和率列侯諸將練兵臨清○三月樂鳳韶爲國子祭酒尋致仕○夏四月免北平田租○五月○閏五月○六月都督馬雲征大寧○秋七月曹國公文忠領大都督府事○平羌將軍丁玉討平蜀寇○八月安置日本使僧於陝西○九月西平羌英大破西番班師○冬十月吳沅爲翰林待制○十一月封藍玉永昌侯○十二月安置右丞相汪廣洋於海南暴卒○訪求忠篋人

庚洪武十二年春正月殺左丞相胡惟庸御史大

夫陳寧中丞涂節罷中書省更定六部官秩改大都督府爲中左右前後五軍都督府○僉斯爲吏部尚書尋改禮部劉崧爲署吏部尚書○二月詔舉聰明正直孝弟力田賢良方正文學術數之士○太師韓國公李善長罷○三月壬寅成祖之國北平○桂彥良葛誠爲晉撫府長史○夏四月都督張赫朱壽率舟師海運○五月甲午震謹身殿大赦免天下田租○御史大夫安然罷韓國公李善長理御史臺事○罷御史臺及提刑按察司○署吏部尚書劉崧致仕阮駿爲吏部尚書○六月



震奉天門○置諫院官唐鐸爲諫議大夫○秋七月復京官家○八月安置日本使僧於川陝○九月置四輔官以龔敎杜敎趙民望吳源爲春夏官○冬十月詔求真才○十一月○十二月列族諸將屯田北平練兵遼東○安置翰林學士承旨塞瀛於茂州○是年倭屢寇海上郡縣

辛酉洪武十四年春正月虜乃兒不花入寇徃虜大將軍達左右副將軍和友德帥師討之○詔募續○編賦役黃冊○二月李叔正爲禮部尚書○三月大赦○復提刑按察司○夏四月遣營諸將兵

出塞至北黃河擊虜破之遂班師○五月故翰林  
學士承旨宋濂卒於夔州○六月海鹽捍海塘成  
○秋七月復大理寺○日本酋良懷遣僧貢馬安  
置川陝番寺○八月河決原武○征南將軍江夏  
侯周德興副將軍安慶侯仇成帥師討四川蠻平  
之○九月征南將軍潁國公友德左右副將軍永  
昌侯玉西平侯英帥師取雲南○冬十月壬子朔  
日食○定考覈殿最法○十一月築雄侯趙庸總  
兵討平關廣群盜延安侯唐勝宗總兵討浙東山  
寇平之○倭寇廣東南雄侯庸擊破之○十二月

征南兵至曲靖取臨安進克雲南○令翰林院平駁諸司奏啓○是年召致仕刑吏部尚書李敬劉崧爲國子祭酒司業

壬戌洪武十五年春正月汝南侯梅思祖掌雲南布政司事張統爲左叅政○二月詔諭雲南諸夷○閏二月彗星見○征南兵克大理鶴慶麗江降車編諸夷○三月南雄侯庸籍蛋戶爲水軍○夏四月詔監學通祀孔子○免南畿浙江江西河南山東田租○宋訥爲翰林學士○日本遣人朝貢○五月皇長孫雄英卒○太學成帝幸學謁先師○

遣使求經明行修之士○六月○秋七月開濟爲  
試刑部尚書○八月內成皇后馬氏崩○詔設科  
取士○九月雲南諸夷叛征南兵討平之○冬十  
月廣東盜起南雄虔庸討平之○設殿閣大學士  
邵質吳伯宗宋訥吳沉爲華蓋武英殿文淵東閣  
大學士○徵耆儒鮑洵余銓張長年爲文華殿大  
學士辭不拜○十一月○十二月孝陵成封都督  
李新崇山侯○是年設都察院詹徽林駟爲監察  
都御史

癸亥  
洪武十六年春正月宋訥爲國子祭酒曹闕公

文忠領國子監事○二月○三月征南諸將班師  
還京留英鎮守雲南○復鳳淮繇賦視豐沛○夏  
四月倭寇浙東○五月令都司上衛所城池水陸  
地理圖○六月○秋七月遣御史錄囚於諸省○  
八月壬申朔日食○九月征南將軍申國公鄧鎮  
左右副將軍臨江侯陳鏞濟寧侯顧敬率兵討龍  
泉山寇平之○冬十月○十一月定祀歷代名臣  
○十二月初令儒學歲貢生員

甲洪武十七年春正月魏國公達鎮守北平信國  
公湯和巡視海道築山東江南北浙東西海上諸

城○二月更定都察院官詹徽爲左都御史○定吏員資格○三月大赦○令科舉薦舉並行○同知軍國事大都督府左都督兼領國子監事曹國公李文忠卒○夏四月進封傅友德潁國公○更定內侍監局司庫門官品職○五月鄒俊爲大理卿○六月令朝覲官上人民土地圖○秋七月盱眙人獻天書伏誅○八月吏部尚書俞炳定考績法○九月處士陳遇卒○冬十月冊李氏爲淑妃攝中宮事○閏十月大明清類天文分野書成○十一月○十二月○是年修祖陵

乙丑洪武十八年春正月劉三吾爲翰林學士○朱善爲文淵閣大學士○二月初昏五星並見求直言○錄軍國重事太傅右丞相魏國公徐達卒○三月初選進士爲翰林院承勅監六科庶吉士○夏四月思州苗叛征虜將軍和副將軍德興帥師從楚王討平之○五月○六月○秋七月五開蠻叛和遣兵討平之○八月遣公侯伯還鄉里○九月太白經天○文淵閣大學士朱善卒○築漳河隄○冬十月頒大誥○彗星見○十一月作觀星臺○十二月舉孝廉

兩  
寅  
洪武十九年春正月潁國公友德長興侯炳文  
帥師討雲貴諸蠻平之○二月納哈出營金山數  
寇東塞○三月白虹貫日○夏四月河南大水贖  
民粥子○五月安置日本使僧於雲南○六月詔  
有司養老尊賢報功賑貧恤孤薦士○秋七月三  
辰星見○八月皇太子修祖陵○九月賑旱蝗郡  
縣○冬十月封何真東莞伯○十一月○十二月  
癸未朔日食

丁  
卯  
洪武二十年春正月征虜大將軍宋國公馮勝  
左右副將軍潁國公傅友德永昌侯藍玉左右叅



將南雄侯趙庸定遠侯王弼東川侯胡海武定侯  
郭英叅贊軍事都督商嵩帥師討納哈出○焚錦  
衣衛刑具○二月魚鱗冊成○置兩浙防倭衛所  
○三月勝師出松亭關城大寧○夏四月江夏侯  
周德興福建築城練兵防倭○五月納哈出棄金  
山營北走○六月臨江侯陳鏞陷虜死○勝兵逾  
金山納哈出降遂班師○太白經天○閏六月勝  
兵還金山殿帥濮英陷虜死○秋七月定親王歲  
祿五萬石○八月戒諭北征諸將召勝還王行總  
兵事○九月封納哈出海西侯○安置鄭國公常

茂於龍州○置北平行都指揮使司於大寧○征  
虜大將軍永昌侯藍玉左右副將軍延安侯唐勝  
宗武定侯郭英左右叅將都督耿忠孫恪擒討殘  
胡○冬十月罷勝歸鳳陽○十一月靖寧侯葉昇  
普定侯陳桓討東川諸蠻平之 十二月封張赫  
航海侯朱壽舳艫侯

戊辰洪武二十一年春正月百夷思倫發叛都督鑾  
正討平之二月定歷代君臣從祀帝王廟○三月  
遣公侯諸將從大將軍玉出大寧征虜○夏四月  
玉師至捕魚兒海脫古思帖木兒可汗敗走封玉

涼國公○五月甲戌朔日食○東川蠻叛征南將軍  
穎國公友德左右副將軍西平侯英普定侯桓  
帥師討平之○六月○秋七月贈故金山侯濮英  
爲樂浪公尋封其子璵西涼侯○八月北征諸將  
班師還京○九月越州土酋阿資叛友德討平之  
○友德遣將分討東川叛蠻平之○冬十月解縉  
爲監察御史○徐允恭嗣封魏國公封常昇開國  
公○十一月○十二月丁卯三辰晝見○安南黎  
季犛弑其主煒

已洪武二十二年春正月友德兵至越州阿資遁

還越州○二月友德兵至越州○三月友德率二十四將軍分屯湖川防西南諸夷○夏四月徙江南民田淮泗○置詹事院五月置太學福餘朶顏三衛於兀良哈○六月周定王棄國之鳳陽遷雲南尋遣還國○秋七月征南諸將班師還京○八月更定大明律○禁武臣預民事○九月丙寅朔日食○冬十月徙民墾間田○十一月虜也速迭兒弒其主脫古思帖木兒而立坤帖木兒○思倫發入貢謝罪百夷遂平○十二月倭掠寧海○是年詹徽爲吏部尚書兼左都御史○改大

宗院爲宗人府秦王爲宗人令晉王成祖左右宗  
正周王楚王左右宗人○黎季犛弑其主陳日焜  
○高麗人幽其主禍又廢其主昌

庚洪武二十三年春正月熒惑入南斗○市馬漠  
北○晉王成祖率諸將分道伐虜○貴州苗叛延  
安侯勝宗討平之○贛賊湖蠻叛總兵東川侯海  
左右副總兵普定侯桓靖寧侯昇討平之○二月  
國子祭酒宋訥卒○涼國公玉討西番遣將瞿能  
徐凱出大渡河擊敗之○三月成祖率征虜前將  
軍顏國公友德左右副將軍南雄侯庸懷遠侯興

出古北口伐虜○夏四月築京城外垣○閏四月  
玉平諸番○五月肅清奸黨○太師韓國公李善  
長暴卒○六月選用耆民有才德知典故者○秋  
七月江南北海溢○河決河南○八月召涼國公  
王還京○九月庚寅朔日食○夏長文爲僉都御  
史冬十月○十一月○十二月購遺書○是年潭  
王棖暴卒

辛洪武二十四年春正月築浙東海隄○二月改  
封豫王爲代王漢王爲肅王衛王爲遼王○三月  
戊子朔日食○賜許觀等進士及第出身有差○

友德兵出東塞討虜大獲而還○夏四月鑄渾天儀○彗星出紫微垣○五月漢衛谷慶寧岷六王練兵臨清○六月河決原武入淮○秋七月徙富民實京師○八月乙丑皇太子巡撫陝西○九月都督宋晟劉貞帥師征哈密大獲而還○倭寇廣東○冬十月北平大水免其田租○馮堅爲僉都御史○十一月宋國公勝涼國公王靖討西番不許○十二月皇太子還獻相宅畷○阿資格叛平羗將軍都督何福討之阿資降

壬申洪武二十五年春正月河決陽武○福討平雲

南諸蠻○今死囚輸粟塞下○二月高麗李成桂  
幽其主瑤而自立○列侯諸將練兵西北諸塞○  
三月舳艫侯朱壽率舟師海運○夏四月丙子皇  
太子卒○涼國公王征罕東○都督總兵聶緯討  
建昌叛酋月魯帖木兒○五月封俞通淵爲越雋  
侯○王兵破罕東移兵討建昌蠻○六月征西將  
軍西平侯沐英卒○秋七月琉球中山王察度遣  
子弟學於國子監○八月葬懿文皇太子○九月  
庚寅立皇孫允炆爲皇太孫○冬十月沐春嗣西  
平侯鎮守雲南○更高麗爲朝鮮國○十一月王



平建昌蠻獲月魯帖木兒檻送京師伏誅○十二月朱國公勝潁國公友德曹國公景隆涼國公王開國公昇全寧侯恪兼太子太師太傅太保詹徽茹璫太子少傅少保兼吏兵部尚書○閏十二月翰林學士劉三吾罷

癸洪武二十六年春正月兵部尚書致仕唐鐸刑部尚書楊靖兼太子賓客○二月晉王統山西河南兵出塞捕虜○曹國公文忠市馬西番○殺涼國公藍玉吏部尚書詹徽○驗封主事翟善署吏部事尋爲尚書○三月倭寇浙東○四月太白經

天京師大旱求直言錄囚徒○五月○六月郁新  
如璫嚴震直爲戶兵工部尚書○秋七月甲辰朔  
日食○八月徙慶靖王於漳州○九月復以劉三  
吾爲翰林學士○赦胡黨黨黨○冬十月徙封岷  
莊王於雲南○十一月劉璟爲谷府長史提督調  
燕代肅遼慶寧六府事○十二月○閏十二月  
甲辰洪武二十七年春正月賑貸貧民○二月倭寇  
浙東都督劉德商高巡視兩浙防倭○三月都督  
楊文魏國公徐輝祖安陸侯吳傑練兵浙江防倭  
○韓王潘王分道省視秦晉燕周齊王○城東勝

○夏四月令民樹桑棗○五月却安南朝貢○六月○秋七月任亨泰爲禮部尚書○八月偕文軍叛平寇將軍都督穽正討平之○九月寰宇通衢書成○冬十月倭寇金州○十一月阿資復叛西平侯春率兵討之阿資走○十二月女直寇遼東都督宋晟劉貞禦却之○是年太子太師潁國公傅友德暴卒

乙亥洪武二十八年春正月都督周興總兵朱晟劉貞副之帥師捕野人○西平侯沐春擒斬阿資越州平○二月太子太師宋國公馮勝卒○三月秦

愍王卒世子尚炳嗣秦王○夏四月倭寇金州○  
五月計平四川洞蠻○六月禁黥宮朋剽之刑○  
秋七月廣西守將韓觀計平山寇○八月征南將  
軍楊文左右副將軍韓觀宋晟叅議軍事兵部尚  
書唐鐸師師討龍州諸蠻○信國公湯和卒○貴  
州蠻叛守將顧成討平之○九月貶翟善爲宣化  
知縣○閏九月皇明祖訓成○更定親王歲祿一  
萬石○罷楊雄文廟從祀祀董仲舒○冬十月冊  
馬氏爲皇太孫妃○十一月諸蠻悉平○十二月  
征南諸將班師還京○是年給事中傅安郭驥使

西域

丙洪武二十九年春正月杜澤爲吏部尚書○門  
克新爲禮部尚書○韓觀爲都督同知○二月征  
虜前將軍胡晃討郴桂蠻平之○三月○夏四月  
○五月○六月築河防○秋七月○八月免應天  
五郡田租○九月○冬十月晦皇曾孫文奎生○  
十一月鑄渾天儀○十二月五星素度○是年定  
外官三年一朝觀○罷大理寺

丁洪武三十年春正月征西將軍長興侯耿炳文  
副將軍武定侯郭英備虜關中○漢沔盜起炳文

討平之○劉觀取清爲署左左參議史○二月  
白虹貫天○水西蠻叛征南將軍顧成討平之○  
三月○夏四月晉王成祖練兵備虜○令軍民有  
一材一藝者得自陳效用○五月壬子朔日食○  
楚王湘王孫都督楊文韓觀顧成兵征諸洞蠻平  
之○晉燕代遼寧公六王勒兵備虜○六月翰林  
院學士劉三才暴卒○賜禮部覆試貢士韓克忠  
等進士出身有差○召駙馬都尉歐陽倫暴卒○  
秋七月左都御史楊清暴卒○八月河決開封○  
鄭沂爲禮部尚書○九月平緬諸蠻刁幹孟叛逐

宣慰使思倫發○冬十月焚惑犯南斗○重建國  
子監先師廟成○十一月征虜前將軍西平侯春  
左右副將軍都督何福徐凱率師討刁幹孟○十  
二月癸未上不豫○是年太子少保掌刑部事唐  
鐸卒

戊寅洪武三十一年春正月令山東河東陞田○二  
月倭寇山東浙東○定吏員出身資格○三月廷  
臣請討朝鮮不許○夏四月邊將分道率兵從成  
祖代遼寧谷王出北平禦虜○黃福爲工部右侍  
郎○五月西平侯春擒刁幹孟思倫發還平緬○

甲寅上不豫○都督楊文總兵北平恭贊成祖○  
總兵武定侯英副總兵朱晟從遼王出開平備虜  
○閏五月乙酉帝崩于西宮○辛卯皇太孫即皇  
帝位○塋孝陵號謚大行皇帝太祖高皇帝孝慈  
皇后孝慈高皇后○寒義復原吉爲吏戶部右侍  
郎○革冗員○省府州縣○六月方孝孺爲翰林  
侍講齊太兵部尚書○秋七月董倫爲禮部左侍  
郎兼翰林學士○廢周定王爲庶人○吏部尚書  
茹瑺掌河南布政司事尋召爲兵部尚書○八月  
魏國公輝祖兼太子太傅○征夷將軍都督何福



副將軍徐凱帥師征百夷平之○九月長星西隕  
○雲南總兵西平侯沐春卒○冬十月熒惑守心  
○吏部尚書茹瑺免張統爲吏部尚書○十一月  
御史解縉謫吏河州○工部侍郎張昂掌北平布  
政司事謝貴張信北平都指揮使○陳迪爲禮部  
尚書○舉山林巖穴懷材抱德之士○齊王榑有  
罪留京邸○十二月征南總兵顧成班師還京○  
是年王鈞爲戶部尚書鄭賜工部尚書曾鳳韶監  
察御史

已建文皇帝建文元年春正月大祀天地於南郊

奉太祖高皇帝配○修太祖高皇帝實錄○二月  
追尊皇考懿文皇太子爲興宗孝康皇帝皇妣懿  
敬皇太子妃爲孝康皇后○尊母皇太子妃呂氏  
爲皇太后○立妃馬氏爲皇后子文奎爲皇太子  
○封弟允熲爲吳王允熹衡王允燦徐王○詔薦  
賢養老墾田興學考察官吏旌孝賑貧掩骼埋  
胔贖民鬻子減田租○令親王不得節制文武吏士  
○周是修爲衡府紀善○北平右布政使曹昱按  
察副使張璉有罪除名落職○三月丁巳祀先師  
幸太學○北平按察使陳瑛有罪安置廣西○勅

都督宋忠徐凱耿璣將屯兵開平臨清山海關○遣  
采訪使都御史暴昭侍郎夏原吉等巡行天下問  
民疾苦○京師地震求直言貶監察御史尹昌隆  
爲福寧知縣○夏四月并衛所○湘王栢暴卒○  
廢齊王榑代王桂爲庶人○五月北平按察僉事  
湯宗上變告繫詔獄○王叔英爲翰林修撰○六  
月解縉爲翰林待詔○秋七月癸酉成祖起兵靖  
難北平右布政使郭資都指揮張信降掌布政司  
事侍郎張昺都指揮使謝貴燕府長史葛誠伴讀  
余逢辰死之朱忠率師次居庸退保懷來○成祖

上書請誅齊太黃子澄○都指揮使馬宣起兵薊  
州攻北平不克死之○通薊遵化密雲皆降燕○  
成祖克懷來獲宋忠都指揮彭聚孫泰戰死○大  
寧守將劉貞陳亨卜萬引兵次松亭關逮萬下獄  
○征虜大將軍長興侯耿炳文左右副將軍駙馬  
都尉李堅都督審忠率安陸侯吳傑江陰侯吳高  
都督都指揮盛庸潘松楊忠顧成徐凱李文陳睢  
平安分道進攻北平○置平燕布政使司于真定  
刑部尚書暴昭掌布政司事○贈故翰林待制王  
禕爲翰林學士○封李堅爲灤城侯○八月炳文

兵次真定○靖難兵克雄縣獲楊忠潘松○炳文及靖難兵戰於真定敗績李堅寧忠被執○丙寅成祖還北平○曹國公李景隆爲征虜大將軍召炳文還○谷王穗還京師○召遼王植寧王權遼王至寧王不至徙封遼王於荊州○九月吳高及耿璈楊文帥兵圍永平○景隆兵次河間○山東叅政鐵鉉叅贊景隆軍務○成祖援永平高退保山海關○吳傑兵潰於真定遁還降南寧指揮使○冬十月成祖襲破大寧守將朱鑑死之○陳亨降燕襲破劉貞貞走還京○景隆進兵攻北平○

成祖以寧王權及大寧漢達兵援北平○十一月  
景隆逆戰於鄭村壩大敗奔德州○乙亥成祖再  
上書○廢岷王梗爲庶人○十二月吳高有罪徙  
廣西楊文鎮守遼東○成祖克廣昌○薊州鎮撫  
曾濟起兵攻北平不克死之駙馬都尉王寧有罪  
下獄○練子寧爲吏部侍郎○復以茹瑺爲兵部  
尚書○罷齊太黃子澄留京師○加景隆太子太  
師○省躬殿成○徙肅莊王於蘭縣○殺留守左  
衛指揮同知李申○叅贊大將軍軍務高巍使北  
平錢芹爲行軍署都事茅大芳爲副都御史

庚辰建文二年春正月成祖克蔚州進攻大同○二月改都察院爲御史府改景清爲御史大夫戴德彛左拾遺○黃觀爲禮部侍中掌尚寶司事○虜坤帖木兒可汗瓦剌王猛哥帖木兒款北平○景隆援大同○成祖還北平○保定知府誰僉降燕○劉儁爲兵部侍中○三月丙寅朔日食○賜胡靖王艮等進士及第出身有差○夏四月胡靖爲翰林修撰○成祖至白溝河景隆率諸將兵合戰大敗走德州叅政鐵鉉叅軍高巍還守濟南○靖難兵進攻德州○五月景隆奔濟南靖難兵入德州

轉掠濟陽儒學教諭王省死之○成祖進兵圍濟南景隆出戰敗績鐵鉉高魏禦却之○都督僉事朱榮棄師還京伏誅○六月置資德院○遣尚寶司丞李得成至燕議罷兵○秋七月得成還自濟南下獄尋釋之○平安率兵次單家橋○八月濟南圍解成祖還北平○承天門災詔求直言○改謹身殿爲正心殿○改方孝孺爲文學博士○九月改承天門爲臯門○冬十月置威武中衛○平安及靖難兵戰鏢山斬其將陳亨○徐凱城滄州成祖襲破之獲凱○封盛庸爲歷城侯鐵鉉爲山



東左布政使○召景隆還平燕將軍盛庸左右副  
總兵陳暉平安左右叅將馬溥徐直錢鉉叅贊軍  
務督諸兵北進○十一月庸進兵德州○成祖至  
臨清移屯館陶○十二月成祖進兵汶上掠濟寧  
庸兵躡之營於東昌○乙卯成祖至東昌○庸出  
兵大戰斬其將張玉成祖退屯館陶○錢鉉爲兵  
部尚書仍叅贊軍務○詔舉優通文學之士○鄒  
瑾爲大理右寺丞

辛建文三年春正月癸亥命神寶成○召齊太黃子  
澄議軍國事○成祖還北平○二月成祖至保定

○加禮部尚書陳迥太子少保○調大理左右少卿汪善聞良輔爲河南湖廣肅政按察副使鎮江知府薛崑補缺胡閏爲大理左右少卿○三月成祖合諸兵南進○庸及靖難兵大戰於夾河斬其將譚淵再戰庸兵敗走德州○真定諸將及靖難兵戰於單家橋敗績再戰於藁城敗績○閏三月靖難兵掠順德廣平大名○謫齊太黃子澄諭燕罷兵○成祖上書請召諸將還京遣大理少卿薛崑報之○夏四月崑還○真定諸將出兵扼燕餉道不克○五月成祖遣武勝上書下詔獄○調刑

部左侍郎王良爲浙江肅政按察使○六月靖難  
兵至濟沛都督袁宇禦之敗績○太僕少卿祝孟  
獻使朝鮮市馬○秋七月靖難兵掠彰德○遣人  
貽書燕世子○大同守將房昭率兵取保定駐西  
水寨成祖還援保定○八月靖難兵圍西水寨○  
限僧道田人五畝○九月靖難兵攻定州○平安  
進攻北平不克還次真定○倭寇浙東○置豐沛  
軍民指揮司○冬十月真定諸將遣兵援昭及靖  
難兵戰於齊眉山敗績○成祖還北平○翰林修  
撰王艮卒○徙慶靖王於寧夏○十一月遼東總

兵楊文攻永平不克○平安戰敗靖難兵於楊村  
○皇子文森生○坤帖木兒可汗死鬼力赤爲可  
汗○十二月成祖復出北平○駙馬都尉梅殷鎮  
守淮安○太祖高皇帝實錄成○楊士奇爲吳府  
審理副仍留翰林○改程本立爲江西肅政按察  
副使

壬建文四年春正月平安復通州不克○靖難兵  
攻東平吏目鄭華死之○靖難兵攻沛知縣顏伯  
瑋主簿唐子清典史黃謙死之○祭酒張顯宗爲  
工部右侍郎募兵江西○設京衛武學○二月諸

將兵次濟寧○靖難兵攻徐州○三月靖難兵攻  
宿州○成祖至渦河○安及靖難兵戰於淝河敗  
績○靖難兵攻蕭知縣鄭恕死之○夏四月安及  
靖難兵戰於小河斬其將王真○魏國公徐輝祖  
率兵會諸將及靖難兵戰於齊眉山敗之召輝祖  
還○靖難諸將請還北平○諸將合兵及靖難兵  
大戰於靈璧敗績何福走陳輝平安馬溥徐真禮  
部侍郎陳性善大理寺丞彭與明皆被執○五月  
成祖至泗州○盛庸次淮南○成祖渡淮至盱眙  
庸走○諸將分屯鳳陽淮安○成祖至揚州守將

崇剛監察御史王彬死之○成祖至儀真○詔天下勤王○遣刑部侍郎金 禮部侍郎黃觀翰林修撰王叔英徵兵入援○蘇州知府姚善寧波知府王璉率師勤王○遼東兵潰於直沽○刑部尚書侯泰轉餉淮安○六月癸丑朔成祖至浦口庸等逆戰都督僉事陳瑄率舟師降燕○乙卯成祖渡江庸率海艘出高資港戰敗績○庚申成祖至龍潭遣李景隆茹瑄王佐議割地罷兵○諸王分守京城諸門○魏國公徐輝祖開國公常昇分道出師禦戰○甲子遣人齎蠟書四出促勤王兵○

乙丑成祖至金川門谷王穗降成祖遂入京城○  
殺都督徐增壽○大內火○帝遜位○己巳成祖  
謁孝陵遂即皇帝位○贈徐增壽爲武陽侯禁錮  
魏國公徐輝祖○壬申葬建文皇帝○遷興宗孝  
康皇帝主於陵仍稱懿文皇太子遷呂太后於懿  
文陵○秋七月壬午朔大祀天地於南郊○太赦  
○降封允熲允熒允熒爲廣澤懷恩敷惠王○都  
督李增枝節制荆襄瞿塘安陸兵備○陳瑛爲副  
都御史○工部尚書嚴震直等巡視河北諸省○  
八月歷城侯盛庸安戢山東都督劉貞鎮守遼東

征虜前將軍都督何福鎮守陝西都督韓觀練兵  
江西西平侯沐晟鎮守雲南○張統暴卒王純致  
仕蹇義夏原吉爲吏戶部尚書宋禮禮部右侍郎  
○初建內閣翰林待詔解縉爲侍講中書舍人黃  
淮編修並直文淵閣○九月大封靖難功臣○詔  
諭四夷君長○徙封谷王穗於長沙○廢廣澤王  
懷恩王爲庶人○黃福爲工部尚書○胡廣爲侍  
講楊榮修撰楊士奇編修金幼孜胡儼檢討並直  
文淵閣○冬十月寧王權來朝改封南昌○重修  
太祖高皇帝實錄○僧道衍爲左善世○十一月



新作奉天殿成○解縉爲侍讀學士胡靖黃淮胡  
儼並侍讀楊榮楊士奇金幼孜並侍講○立妃徐  
氏爲皇后○北平左布政使郭資保定知府雜僉  
爲戶刑部尚書仍掌司府事○陳瑛請追戮建文  
諸臣不許○十二月李至剛爲禮部尚書○戒諭  
靖難功臣